



UNIVERSITÄTS-
BIBLIOTHEK
PADERBORN

**Io. Baptistæ Portæ Neapolitani Magiæ Naturalis Libri
Viginti**

Della Porta, Giambattista

Frankfurt, 1607

Quomodo polares puncti in magnete cognoscantur. Cap. XV.

[urn:nbn:de:hbz:466:1-70772](https://nbn-resolving.de/urn:nbn:de:hbz:466:1-70772)

potior fuerit, obiectus lapis ad motum nutabit, & ad recessum, vel accessum se accingit. At si contrarium cometem sustuleris, aut tractum non renititur, aut non invitus refugit, scilicet, aut cum amica parte coibit, aut ab inimica recederet, vnde ex argumēto cognosces, alterum alteri impedimento esse. Possumus & alio experimen-
to etiam eiusdem rei fieri certiores. Si magnetem ma-
gnete attraxeris, eumque in aere pendulum habueris.
si loco, vbi coierint, alterius magnetis inimicam faciem
opposueris, ex hoc inimici occursu, virtusque facultas
elangescit, torpetque, & si vegetioris fuerit virtutis, at-
tractum dimittit, ut cadat. Immō & non sine iucunda
admiratione conspicierur pendens in aere multarum
magnetis partium catena, cui si tertio, vel quarto illius
lapidi aduersantem faciem admouerimus, soluitur illi-
co nexus, & à cohæsu pars labitur, & disiuncta cadet, a-
liæ vero partes, quibus vis illa non peruenit, adhuc mu-
tua concatenatione hærefeunt, usque donec inimicam
faciem non admoueris.

Quomodo polares puncti in magnete cognoscantur.

C A P. X V.

ALIO prorsus & certiori modo, quam prius dixe-
ramus, in lapide verticales punctos cognoscemus;
qui ad Aquilonem, qui que ad Austrum vergat, & præ-
cisè punctus indicabitur, ex quo trahendi vis illa emanat,
hoc modo. Ille, inquam, punctus, qui vehementius
alterius lapidis australē partem ad se rapiet, eiq; per-
tinaciter inhæredit, ille idem boreus erit. Et cui alterius
borealis pars non inuita accedit, austrius erit. I-
dem quoque ex expulsione dignosci poterit. Punctus
qui borealem aduersam lapidis partē obiectu à se longè
abigit, respuitque, arcticus erit, & qui antarcticī par-
tem fugat, antarcticus. Et qui præcisius punctum de-
monstrari quæsierit, hoc vtetur artificio. Magnetis fru-
stulum paulo maius, minusve milij grano lapidi obi-
ciemus, & si protinus visus ē longinquo, & citius attrahet-
ur, attractusque contumacius diuellitur, argumen-
tum

tum veri puncti, vnde vis illa effluit, donabit, poteris & circa punctum illud granulum circummagere; periclitando & si egrius, an si vegetius attrahetur, & quando sponte, vel inuito à loco dimouebitur. In summa punctus, qui vehementius trahit, & tractum æget rimè dimittit, ve-
rè erit punctus attractionis. Admonendo quod,

Punctum in orbem suam vim diffundere

cognouimus, vt à centro ad circumferentiam. Et sicut lumen candelæ spargitur vnde cunque, & cubiculum illuminat, & quanto ab ea longius recesserit, eo languidius splendet, & paulo longius deperditur, & quanto propius accesserit, eo viuidius lucet. Eodem modo vis illa ex eo punto emanat, & si propius hæserit, vegetius trahet, & quo longius, remissius, immò & si multum recedet, euaneat, & nulla sit, ob id pro ijs, quę dicenda sunt, punctus ille suę virtutis diffusiuus cognoscendus erit, & signandus, & orbem suę virtutis vocabimus vi-
tium longitudinem.

*Quod vis illa trahendi, abigendiq; à nullo obicerere
nari potest. C A P. XVI.*

SE id omnem superat admirationē, vt non tantum admirari queas, quantum deceat, quod vis illa trahendi, pellendique nullis cancellis concludi, nullo obice præpediri, aut refrenari potest, quin inuisibilis pene-
tret, & obiectos lapides cognatos moueat, agitatque, & suas vires ostendat, ac si nullo intermedio vetaretur: sed intra orbem suę virtutis. Nempe si supra tabulam li-
gneam, lapideam, metallicamque pensiles lapides ac-
commadaueris, vel in æquilibrio constitutos, & sub ta-
bulā magnetem agitabis, virtutis effluvium ex huius
corpore proruens, quasi spiritu quodam per cōcretum,
solidumque tabulæ corpus profiliens, lapidem super ea
mouet, agitatq; ad eius motum, hoc inouente, moue-
tur ille, & hoc quiescente, quiescit. At si tabula ex ma-
gnetis lapide, vel ferrea fuerit, impeditur virtus, & nulla
erit, rationes in suis locis adducemus, ex tot tantisque
prodigiosis Naturae miraculis, nullum profecto hoc
mirabilius videre contingit.